

Historia urbiū in Polonia 31395

Cracoviensis cathedr. Eulera.

Kościół Katedralny.

31395

Mag. St. Dr.

Lisowski Andreas: Sacramentalium  
reliquiarum, hoc anno — 1613 die  
12 Maii in eulera cathedr. Crac.  
demonstrandum succincta descrip-  
tio.

Crac. in off. Nic. Lobij 1613.



Z. IX. 24 f. 3



SACRATIS  
SIMARVM RELI-  
QVIARVM, HOC ANNO,  
HVMANÆ SALVTIS A CHRI-  
sto liberatore instauratæ, Millef-  
simo Sexcentesimo Tredec-  
imo, Die 12. Maii.

In Ecclesia Cathedrali Craco-  
uiensi demonstrandarum, suc-  
cincta descriptio.

AVTHORE  
ANDREA LISSEWSKI *Artium & Philoso-  
phiæ Magistro.*

CRACOVIAE,  
In Officina Nicolai Lobij, Anno Domini,  
1613.



In Stemma.



313951

*Lechiadum Ductor, Lauro Mauorte potita,  
In seno hoc fortes iussit abire viros.  
Idem velamen, radians complexa Tyara,  
Virtutes, Praesul, connotat ecce tuas.  
Religio, Pietas, Probitas, Sapientia, Rectum,  
Et merita, hoc fulgent Stemmata parva tibi.*



*Illustris*



*Illustriſſimo ac Reuerendiſſimo in Chriſto Patri  
ac Domino,*

D. LAVRENTIO GEM-  
BICKI, EPISCOPO CVIAVI-  
ENSI. &c. DOMINO AC PATRONO  
plurimum mihi Colendiſſimo.

S. P. D.



*XP Aueſcendum mihi profecto eſſet  
Illuſtr: ac Reuerendiſſime Preſul,  
dum hoc exili opusculo nomen Reue-  
rendiſſime Celſit. ſue, tot virtutibus  
exornatum, tot illuſtre meritis, inti-  
tulari preſumpſerim. Sed quoniam  
¶ in Pontificali Inſula, non omnes equaliter lapides  
precioſi, pulchro ordine diſtincti, fulgent: quorum alij  
maioris, alij minoris precij exiſtentes, ſacram exornant  
Tyaram, ita ſane ¶ hoc leuidentiſe munus, ſi nomen per  
ſe celeberrimum Reuerendiſſime Celſit. ſue non exorna-  
bit, tamen opinor non dedecorabit: etſi illi potentissi-  
mo Regi Xerxi agonizanti aque hauſtus à ſuo ſatellite  
oblatus, iucundus fuerat, hoc exemplo ego quoque addu-  
ctus, minime dubito iſtas meas lucubratiunculas beneuo-  
lo animo, à Reuerendiſſima Celſit. Veſtra ſuſcipiendas  
fore. Quod merito me facturum conſido, cum ea ſcripta,  
que honorem Sanctorum defendunt ¶ augent, fraudes  
hereſeas detegunt ¶ inſectantur Reueren. Celſit. Ve-  
ſtre, qui*



stre, qui voce communi singularis Orthodoxę Religionis  
Propugnator, immanis hereseos, Persecutor vocetur, con-  
secranda esse duxi. Quę dum consecro, obnixę iterum  
atque iterum peto, vt illa hilari fronte Reueren. Celsit.  
Vestra suscipere, meque qui vltro sub tutela eiusdem vi-  
uere cupio, fauore ac munificentia sua prosequi non de-  
dignetur, postulante id magnanimitate Reueren. Celsit.  
Vestre, obseruantia autem in eandem mea constanti ac  
perpetua. Dat. Crac. 9. Maij.


Illustrissimę ac Reueren. Celsit Vestre

Humillimus seruitor,

M. ANDREAS LISSEWSKI.

Author





# A V T H O R

Pio ac Christiano Lectori, salutem ac fælicitatem precatur.



**C** A N A & veneranda antiquitas, sicut Eustachianos Eunomium & Vigilantium cùm ob alias causas, tùm quod Sanctorũ corpora & Reliquias debito honore spoliarent, meritò tanquam hæreticos refutauit, ita earundem Reliquiarum venerationem magna voluntate, maiori studio, maxima reuerètia religiosissimè semper complexa est: fidei siquidem oculis (quos contra veritatis solem pertinaciter quidam claudunt) vsurpabat, quanta & præpotens Deus beneficia mortalibus per sacras Reliquias præstaret, & quam stupenda per eas miracula ederet. Neque enim sanctorum verba tantum aut corpora, ait B. Ioannes, Chrysostomus. Sed etiam ipsa corporis tegmenta semper sunt omni possessione augustiora. **H E L I Æ**, si quidem Leonina pellis, & Iordanè discindere fecit. Trium puerorum calcei per ignem ambularunt. Elisæi lignum potuit vndarum mutare naturam, quas quidem superficie sua quasi tergo ferrum sustinere coegit. Moyses virga mare rubrum

*Hom. 8. ad pop.  
Antich. c. 30  
de virtutib: c.  
vitiis.*

*4. Reg: 2.  
Dan: 3.*

*4. Reg: 6.*



*xod: 14.*

*im: 20.*

*Acto: 19.*

*Acto: 9.*

*Dent: 34.*

*Reg: 13.*

*Matb: 9.*

*Lib: 3. Instit:*

*ap: 3. 10.*

*Lib: 9. Confes:*

*Cap: 7.*

*Psal: 115.*

*August: lib 2.*

*de Cuit: Dei*

*Cap: 8.*

dehiscere iussit. Petram disrumpere valuit. Pauli vestes morbos fuderunt. Petri umbræ mortem fugarunt. Sanctorum Martyrum cinis improbos demones expulit. Hæc aureum illud os imò diuina monumenta contestantur. Et quis sacras literas, vel extremis digitis attigit, & nescius est, Deum Corpus Moyſis singulari honore proſecutū, dū illud proprijs, vt Hieronymus cōtra Vigilantiū loquitur, manibus ſepeliunt. Nonne cōtactu ſuo oſſa Helifai Prophetæ mortuū ad vitam reuocarunt? Cōmendat Saluator Hæmorrhoiſæ fidē, quod ipſius ſimbriæ veſtis mēti attractu, ſe ſanitatē aſſecuturā crediderit. Præcipuus ille Eccleſiæ Doctōr & omni exceptione maior veritatis teſtis D. Auguſtinus, cui & Caluinus hoc elogium tribuit, ab vno Auguſtino ſumant lectōres ſi quid de ſenſu antiquitatis habere volunt: is ergo plurima eiufmodi & certiffima miracula commemorat, ex quibus pauca tantūm carpenda. Sanctorum Martyrū Geruafij & Prothaſij corpora per plurimos annos incorrupta à D. Ambroſio inuenta ſunt, quæ cum digno honore inquit Auguſtinus, tranſferentur ad Ambroſianam Baſillicam, non ſolū quos imundi vexabant ſpiritus conſeſſis eiſdem demonibus ſanabantur. Verum etiam quidam, plures annos cæcus, eo perductus, impetrauit admitti, vt ſudario tangeret feretrum prætioſæ, in conſpectu tuo mortis ſanctorum tuorum, quod vbi fecit atque admouit oculis, conſeſſim aperti ſunt. Sed & adoleſcens à dæmone obſeſſus, & ad eorundem Martyrum



rum memoriam deportatus liberatus fuit, ac eidem restitutus oculis, quem diabolus egredi compulsus, ita excusserat, vt tenui venula in maxillam fulus penderet. Quam admiranda sunt, quæ idem S. Augustinus de Reliquiis Diui Stephani Prothomartyris, super cuius ossa Imperator solitus est iurare, memoriam prodidit? videlicet quod floribus primo Reliquiis S. Stephani admotis, deinde & oculis mulier cæca aspectum recepit, quod Lucillus Episcopus Sinecêsis attactu reliquiarum S. Stephani à fistula, sit sanatus, attactu tunicæ idem, ex memoria S. Stephani allatæ à morte suscitatus, qua ratione & sanctimonialis defuncta, ad vitam rediit. Quod puer rota currus obtritus, & in memoria eiusdem Martyris positus reuixerit & illæsus apparuerit. Quod alius mortuus oleo S. Stephani perunctus, ad vitam reuocatus sit.

Quæ cum probe nossent sanctissimi maiores nostri, quicquid sanctos attinisset, magno in pretio & honore habuere, vt primi Christiani ligneam sancti Iacobi Apostoli sedem, lapidem in S. Stephanum coniectum per quem Anconæ multa facta miracula. Terram sanctam vbi Christus sepultus die tertia resurrexit Hierosolymis allatam & sacello honoratam, ad quod vectus Paralyticus sanatus est. S. Antonius maximi fecit Tunicam S. Pauli primi Eremitæ ex palmarum folijs contextam. B. Athanasius Pallium S. Antonii. Testatur & Gregorius Nyssenus, quod contrectationem sancti corporis B. Theodori non solum

*August. lib. 2  
de Ciuit. Dei  
Cap. 8.*

*Euseb. lib. 7.  
hist. Cap. 15.  
S. August. Serm.  
94. in Adis.  
ad ipsius serm.  
S. Aug. lib. 22.  
de Ciuit. Dei  
Cap. 8.*

*D. Hier. in vita  
S. Pauli.  
Athanas. in vita  
Ant.  
Orat. in Theod.  
mart.*



solum sanctificationem & benedictionem esse fideles crediderint, sed & puluerem quo eius conditorium oblitum erat pro magno munere acceperint.

Neque tantum sacras Reliquias venerabantur cum penes ipsos essent, sed etiam non minori labore quam religione peregrinationem ad ea loca in quibus conseruarentur, suscipiebant, non ignari Deum alto quodam consilio, & sapientius, & efficacius, ad sacrarum Reliquiarum praesentiam, ut ministros suos honoret, dona sua obsecratis impartire. Vbi quidem Deus est, ut sapienter ait S. Augustinus, & nullo (cuius hinc verba inserenda esse volui) continetur vel includitur loco, qui condidit omnia, & eum à veris adoratoribus in spiritu & veritate oportet adorari, ut in oculo exaudiens, in oculo etiam iustificet & coronet. Verumtamen ad ista quae hominibus visibiliter nota sunt, quis potest eius consilium perscrutari, quare in alijs locis haec miracula fiant, in alijs non fiant? Et subiungit: Multis enim notissima est sanctitas loci ubi B. Felicis Nolensis corpus conditum est, quo volui ut pergerent quia inde nobis facilius fideliusque scribi potest, quicquid in eorum aliquo diuinitus fuerit propalatum. Deinde: Nam & nos nouimus Mediolani apud memoriam Sanctorum, ubi mirabiliter & terribiliter daemones confitentur, furem quendam, qui ad eum locum venerat, ut falsum iurando deciperet, compulsus fuisse confiteri furtum, & quod abstulerat reddere, haec D. Augustinus. B. vero Ioannes Chrysostomus mirificum Christiani

Epist. 137. ad  
Clerum & popu-  
lum Hip.



stiani populi studium commendat. Ad locum ubi  
 sanctus Iobus dæmonem superavit proficiscentis. Ex  
 simo Iob visò ait. Omnis quis capiat vtilitatē, & di-  
 sciplinā multam, & exhortationē ad patientiæ lati-  
 onem. Itaque multi nunc longam & transmarinam  
 Peregrinationem à terræ finibus in Arabiam abeūt,  
 vt finum illum cernant, & conspicati terram deo-  
 sculentur, quæ illius victoris certamina, & cruorem  
 omni auro prætiosorem suscepit. Et quod proba-  
 uit Chrysostomus in alijs, eius sibi copiam fieri sum-  
 mopere desiderabat, præsertim vt magni illius Apo-  
 stoli Pauli reliquias videre, exoculari, & complecti  
 possit. Quis mihi, inquit, nunc dabit circumfundi  
 corpori Pauli, affigi sepulchro, videre puluerem cor-  
 poris illius, quæ adhuc in Christo deerant adimplen-  
 tis, stigmata illius gestantis, prædicationem Euan-  
 gelij, ubique seminantis? Et explanans illum S. Pau-  
 li locum, *Obsecro siue hortor vos ego vinctus in Domi-*  
*no.* Vellem, ait, nunc etiam in eis esse locis, in qui-  
 bus ista dicuntur esse vincula, Cuperem videre ca-  
 tenas illas, quas quidem verentur & horrent dæmo-  
 nes, venerantur vero Angeli. Si quis modo mortuos  
 mihi largiretur excitandi facultatem, istud planè nō  
 præferrem huic catenæ. Quod si liberum fuisset  
 per curas Ecclesiasticas, & corpus habuissem validū,  
 nihil vtique causatus fuisset, quominus tantā susce-  
 pta peregrinatione, catenas duntaxat illas, & car-  
 cerem ubi ligatus fuit, vidissem. Hæc B. Chrysosto-  
 mus. Vt autem paucis etiam & domestica attin-  
 gam,

Homil: 23. in  
 Episto: ad  
 Rom.

Ephef: 4.

Homil: 8. in  
 Episto: ad  
 Ephef.



gam, non desunt certe & in nostra Polonia, vt potè  
ad sepulchra SS. Stanislai Episcopi ac Floriani Mar-  
tyrum, Hiacinti Confessoris, Ioannis Cantij Aca-  
demix Professoris, Simonis de Lipnica, Salomeæ  
Haliciæ Reginae, & aliorum, in hac inclita Vrbe sa-  
nctitate & miraculis clarissima loca; Non desunt &  
extra Urbem in Regno, vt pote montis Calui S. Cru-  
cis, Czestochouienſe Beatissimæ Virginis, Zebrzy-  
douienſe vulgò Caluariæ cum ditione locorum,  
in quibus Saluator noster operatus est salutem no-  
stram, cum maxima Christifidelium læticia, nostris  
temporibus erectum; frequenti concursu populi ac  
miraculis celeberrima monasteria, vbi mortui vi-  
tam, cæci visum, surdi auditum, muti loquelam, lan-  
guentes sanitatem, exposcentes opem, gratiam ac  
auxilium consequuntur. Quæ quoniam omnibus  
luce meridiana clariora esse sciam, ne lumen soli ad-  
dere videar, ad eos, qui luculentissimè miracula cu-  
iuslibet Sancti & loci in quo conditus est descripse-  
runt, te candide ac Christianæ Lector remitto. Te-  
quæ ac alios ad eandem pietatem, verbis B. Ioannis  
Chrysostomi hortor atque inuito. Sæctorum Corpo-  
ra sæpius inuisamus, tumulos adoremus, magna quæ  
fide reliquias eorum contingamus, vt inde benedi-  
ctionem ac gratiam spiritualem assequi mereamur.

Hæc igitur Christifidelium religionem, vt magni  
illi, & sanctitate, & rebus gestis, Reges & Principes  
Poloniæ, excitarent & alerent, Reliquias quasdam  
nobilissimas, cum alibi, tum præcipuè à summis

Ponti-

*Serm. de 4.  
Inuentio &  
maximo.*



Pontificibus acquisitas ac sibi donatas, in hoc Cathedrali, S. Stanislai corpore specialiter, Regum denique sepultura insigni Templo recondiderunt, quæ pro more introducto singulis annis Dominica proxima post Festum S. Stanislai ad maius Altare expositæ demonstrantur.

## CATALOGVS RELI- quiarum SS.

<b>L</b> ignum vitæ	S. Stephani	Mar.
Spina Domini.	S. Laurentij	Mar.
Claus Domini.	S. Vincentij	Mar.
Petra sepulchri Domini.	S. Sebastiani	Mar.
S. Ioannis Baptistæ.	S. Sixti Papæ	Mar.
S. Petri.	S. Clementis Papæ	M.
S. Pauli.	Victoris Papæ	Mar.
S. Andree.	Vrbani Papæ	Mar.
S. Iacobi.	Marcellini Papæ	Mar.
S. Philippi.	Caj Papæ	Mar.
S. Bartholomæi.	S. Viti	Mart.
S. Mathiæ.	S. Procopij	Mart.
S. Lucæ.	S. Albini	Mart.
S. Stanislai	S. Theodori	Mart.
S. Venceslai	S. Calixti Papæ	Mart.
S. Adalberti	S. Nazarij	Mart.
S. Floriani	S. Gereonis	Mar.
SS. Innocentum	S. Victorini	Mart.
		S. Satur-



S. Saturnini Mar.	S. Syluestri Papæ Confes.
S. Chrysogoni Mar.	S. Martini Episcopi Con.
S. Eustachij Mart.	S. Bernardi Confes.
S. Hippoliti Mart.	S. Remigii Confes.
S. Cyriaci Mart.	S. Egidii Confes.
S. Sigismundi Mart.	S. Paulini Con.
S. Faustini Mart.	S. Alexii Con.
S. Hermetis Mart.	S. Stephani Regis Con.
S. Felicis Mart.	S. Othualdi Regis Con.
S. Valentini Mart.	S. Hermani Con.
S. Lucherij Mart.	S. Barbaræ Virg. Mar.
S. Pancratij Mart.	S. Bonifacii Mart.
S. Vilibaldi Mart.	S. Rufini Mart.
S. Luciani Mart.	S. Dorotheæ Virg.
S. Constantini Mar.	S. Eulaliæ Virg.
S. Cumenii Mar.	S. Marinæ Virg.
S. Mauricij Mart.	S. Agathæ Virg.
SS. Cosmæ & Damia. M.	S. Mathabertæ Virg.
Quinq; fratru Polon: M.	S. Antoninæ Virg.
SS. Chrysanti & Dariæ M.	SS. Vndecim millia Virg.
SS. Sergii & Bachi M.	S. Mariæ Magdalenæ.
SS. Machabeorum M.	S. Brigidæ de Suecia.
SS. Thebeorum Mar.	S. Felicitatis.
SS. Cantii, Cantiani, Can-	S. Ludomillæ.
tionellæ Mart.	S. Chrystinæ.
S. Seueri Confessoris	S. Cunegundis.
SS. Trium Regum.	S. Beatæ.
S. Augustini Doct: Cretæ.	



# O R A T I O.

**C**HRISTE IESV Rex Benedicte, Corona Mar-  
tyrum, Confessorum, Virginum, ac omnium  
Sanctorum tuorum, Domine Deus cæli, fortis, ma-  
gne, atque terribilis, qui custodis pactū, & facis mi-  
sericordiam, cum his qui te diligunt, & custodiunt  
mandata tua. Fiant aures tuæ nunc & semper auscul-  
tantes, & oculi tui aperti ad Preces seruorum tuo-  
rum, vt per eorum quorum reliquias veneramur in-  
tercessionē ac merita, in illa die tremenda, dum ve-  
neris iudicare viuos & mortuos, sis nobis clemens  
ac propitius, ac obliuiscaris omnium delictorum no-  
strorum: Regnum, Regem, Proceres, Urbem hanc,  
ac omnem populum Christianum, in pace custodi,  
vt quorum merita recolimus, reliquiis gaudemus,  
in terris, eosdem patronos sentiamus in cælis. Amē.





O. R. A. T. I. O.

**Psal: XXXIII.**

**Custodit Dominus omnia ossa  
eorum, vnum ex his non con-  
teretur.**

BIBLIOTH  
VNIV  
IAGELL.  
CRACOVENSIS



Biblioteka Jagiellońska



stdr0012373



